

ЖАҢАЛЫҚТАР

Путин елден кеткен ресейліктердің мүлкіне тыйым салуға рұқсат берді

11 маусым 2026 жыл, 08:04



Ресей басшысы Владимир Путин Петербург халықаралық экономика форумында сөйлеп тұр.

Ресей президенті Владимир Путин “Ресейдің мүддесіне қарсы әрекет еткен” ресейліктердің мүлкіне тыйым салуға мүмкіндік беретін заңға қол қойды. Заң 1 қыркүйекте күшіне енеді.

Бастама шетелде жүрген ресейліктерді жауапқа тартатын Әкімшілік кодекстегі баптарды көбейте түседі.

“Ресейдің мүддесіне қарсы әрекет етуге” өзге жайттармен қатар “шетел агенті” атанғандардың заң талаптарын орындамауы, баспасөз еркіндігін асыра пайдалану, террористік немесе экстремистік әрекетке шақыру, Ресейдің тұтастығын бұзуға шақыру, санкцияға үндеу, Ресей әскерінің беделін түсіру кіреді.

Айыппұл төлегенге дейін мүлік тұтқында болады.

Құжатты Татарстанның мемлекеттік кеңесі 2024 жылдың қазанында енгізген, 2025 жылдың мамырында ол бірінші оқылымда қабылданды. Заң жобасы екінші оқылымда толықтырылды. Атап айтқанда, мигранттарды Ресейде қудалауға жол ашатын баптар енгізілді. Мамырдың соңында мемлекетті дума екінші және үшінші оқылымда қабылдаған.

Айдар

ЖАҢАЛЫҚТАР

ЖАЛПЫ АРХИВ